

## בְּרֵק בְּרִיק אֶלְחַמָּא

בְּרֵק בְּרִיק אֶלְחַמָּא, מִן פּוֹק מְנַצֵּר גָּסִים.  
יִסְקִי זְהוּרָה בְּמָא, אֶלְוֹרְדִּי וְאַלְנֶאֲרָדִים.  
אֲנִצְבֵּי קִלְבֵּי דְמָא, חִין שְׂפָתָהּוּ יָא נְדִים.  
סְבַחְאֵן רַבֵּי אֶלְסָמָא, דִּי מְלָכָהּוּ מִן קִדִּים.

סְבַחְאֵן מִן זִינָה.

מִן אֶלְשֵׁרֹר אֲמָנָה.

וְאַבְלָא בְּהִי פֶּאֲתָנָה.

מָה אַחְסָנָה חִין מָא, יִנְשִׁיר לְגַעְדֵּן תְּמִים.  
חֶאֱלִיךְ טוֹיִל אֶסְחָמָא, מִן כְּרָם וְאֲדִי עֵצִים:  
נֶאֲדִי' אֶלְמֶנְאֲדִי יְקוּל, מָא לֶךְ תְּלִיף נֶאֲצֵרְךְ.  
אַחְדֵּר תְּהֵם אֶלְדְּכוּל, אַן אֶלְבּוֹאֲבָה דְרֶךְ.  
מָא דָּאֵם מָא לֶךְ קֶבוּל, אֶקְעֵד עֲלִי' מְנִבְרֶךְ.  
אַקְרָא וְאַתְעֶלְמָא, מָא דָּאֵם קֶלְבֶּךְ סְלִים.

אַרְגַּע אֶלִּי' אֶלְלָה קְרִיב.

מִן קֶבֶל תְּבַקָּא מְרִיב.

מִן עֶאֱמֶלָה מָא יְכִיב.

מִן קֶלְבָּהּוּ הַאִימָא, יִדְרָס כְּתַאֲבֵי אֶלְכְּלִים.  
יְבַקָּא לְהוּ לֶאֱגָמָא, מְכַפּוֹת מְתֵל אֶלְלִזִים:  
יָא קֶלֶב מָא לֶךְ תְּמִיל, נְחוּ אֶלְזָגֵל וְאַלְגֵּוּא.  
כֵּן לִי עֲלִי' אֶלְחַס עוֹיִל, עֶלְךְ תְּגַד לִי דְוָא.  
מְדִרִיךְ לְנָא גִיל בְּגִיל, הוּ אֶלְתִּמְרֵךְ וְנְחוּן אֶלְנְוָא.  
עֵסִי' עֵסִי' רַבֵּי מָא, תְּפַעֵל בְּהֵדָא אֶלְרָגִים.

דִּי צֶאֱךְ מְגוּי אֶלְאֲנָאֵם.

עַן אֶלְצֶלָאָה וְאַלְצִיָּאֵם.

חֶאֱפֵם עֲלִיָּהֵם אֲמָאֵם.

יִרְאָס וְיִתְעַצֵּמָא, יִזְהָא בְּעֵלָם אֶלְחַכְפִּים.  
לֶאֱכֹן יִצִּיר אֶעְגָּמָא, חִין מָא יִשׁוּף אֶלְגַּחִים:

## בְּרֵק בְּרִיק אֶלְחַמָּא (הַמְשַׁד)

סְבַחְאֵן מִן אַבְדְּעָד, יֵא בְדַר כְּאִמְס עֶשֶׂר.  
קִד צֶאֱר קִלְבִּי מְעַד, רֵאגִי לְיוֹם אֶלְצ'פֶר.  
יֵא לִית מִן יִסְמְעָד, לְחֲנִי וְנִגְם אֶלּוֹתֶר.  
פִּי כֹל יוֹם אֶנְצ'מָא, וְאַנְקֶשׁ בְּכֶטָן נְמִים.

סְבַחְאֵנְהוּ כְּאֶלְקִי.

אֶלּוֹאֲחַדְּ אֶלְטֵאִיקִי.

דִּי אַבְדְּעַ אֶלְנֵאֲטֵקִי.

דִּי אֶסְמְהוּ אַדְמָא, עֵאֲלִים וְחֵאֲדֵק פְּהִים.  
יְנִטֵּק וְיִתְכַלְמָא, וְיִפְעַל אֶלְמְסִתְקִים:  
רֵאס אֶלְגֵּנָא מִן יְכֵאָף, דִּי אַבְדְּעַ אֶלְעֵאֲלִמִּין.  
מִן בִּין נוֹנֵן וְכֵאָף, וְאַצְטְפֵּא אֶלְצֵאֲלַחִין.  
אֶהֱל אֶלְקֵלוֹב אֶלְנְצ'אָף, וְאַלְאֶעֱתֵקֵאֲד בְּאֶלִּיקִין.  
פִּי חֲדַתְּ דָּא אֶלְעֵאֲלִמָּא, אַבְטֵאֵל כּוֹנֵה קִדִּים.

כֹּל אֶלְדֵּלְאִיל שְׁהוּד.

פִּי חֲדַתְּ הַדָּא אֶלּוֹגוּד.

לֹא דוֹן אַכְס אֶלְחֶסוּד.

דִּי יַעֲתֵקֵד אֶנְמָא, כֹּל מְחַדְתֵּן לֹא יְדִים.  
תּוֹרֵאֲתֵנָא אַחְכְּמָא, עֵנְד אֶלְדִּי הוּ חֶשִׁים:

אַמָּא אֶלְדִּי הוּא יְרוּם, מֵא כֵּאֵן קֶבֶל אֶלְכְּלוּק.  
יְבָקֵא בְּחִירָה יְחוּם, יְצִיעַ בִּין אֶלְפְּלוּק.  
תְּגִשִּׁי עֲלִיָּה אֶלְגִּיוּם, וְנוֹרְהוּ לֹא יְלוּק.  
וְיַעֲתֵרִיָּה אֶלְעֵמָא, יְבָקֵא עֲלִילֵן אֶלִּים.

אֵן כְּנֵת יֵא אֶכִּי רֶשִׁיד.

אַסְמַע אַקֵּל אֶלְעֵבִיד.

מֵא קִד וְצֵעַ פִּי אֶלְקֶצִיד.

לֹא בְדֵּ מֵא תְנַדְמָא, עֲלִי' כְּטֵאֲנֵךְ אֶלְעֵצִים.  
מִן קֶבֶל מֵא תְהַדְמָא, וְאַלְגֶּסֶם יְבָקֵא רְמִים:

# בְּרֵק בְּרִיק אֶלְחַמָּא (הַמְשֻׁד)

לְאִפְּן מָא אַחַד יִטִּיק,      יִכְמַל בְּחַאֲלֵ אֶלְצִבָּא.  
וְעַאדְ גְּסִמָּה וְתִיק,      וְטִבְעָהּוּ גְּאֶלְבָּא.  
וְאֶלְעִקְלֵ אִיִּצ' אֶרְקִיק,      וְדִרְכָּהּוּ כְּאֶדְבָּא.  
לְאֶלְנִקְטָן מְסִתְחַכְּמָא,      יְהוּי' אֶלְמִלְדֵ וְאֶלְנְעִים.

אַסְמַע לְמָא קַד נְט'ם.

יוֹסֵף אֶקְלֵ אֶלְכְּדִם.

אֵן כְּאֵן עֶקְלֵד סְלִם.

וְאֵן כְּאֵן קַד נְפְגָמָה,      סְכִין בְּצִוָּאר פְּטִים.  
אַטְלֵב אֶלְאֵה אֶלְסִמָּא,      מְחֻצֵי עֵדִידֵ אֶלְרְהִים:

וְלִדֵן לְאַסְרָאֵלִי,      דִּי אֶפְתְּכֵר דָּא אֶלְמִתְל.  
פִּי לְחִנַּת אֶלְכְּאוּלִי,      טְעֵמָה כְּמִתְלֵ אֶלְעֶסֶל.  
מְקִנַע לְכָל סְאֵלִי,      מְבָרִי גְּמִיעֵ אֶלְעֶלֶל.  
מִן סִיפָהּוּ צֶאֱרָמָא,      לְאַגָּם גְּוַאדָּה לְגִים.

מִן כְּאֵן עֶאֱקֵל וְרִיע.

יִבְקָא בְּחֻצָּנֵן מְנִיע.

יּוֹם אֶלְחַסְסָא בְּאֶלְשָׁנִיע.

וְאֶלְגָּאֵהֵל אֶלְצ' אֶלְמָא,      יְחַרְק בְּנֶאֱרֵ אֶלְגְּחִים.  
אַמָּא אֶלְדִּי יַעֲלָמָא,      יִבְקָא בְּרוּצ'הּ מְדִים:

והללו-יה